



# Vedtekter for kommunale barnehagar i Valle kommune

Vedtatt av Kommunestyret 22.02.2023 med heimel i lov 17. juni 2005 nr. 64 om barnehager §§ 7 og 8.

## § 1. Virkeområde

Vedtektene gjeld for kommunale barnehagar i Valle kommune.

## § 2. Føremål

Barnehagen skal i samarbeid og forståing med heimen ivareta barna sine behov for omsorg og leik, og fremme læring og danning som grunnlag for allsidig utvikling, i tråd med barnehagelova § 1.

Innhald og organisering av tilbodet i barnehagane skal være i samsvar med gjeldande lover, forskrifter og lokale planar for Valle kommune

## § 3. Eigarskap og forvaltning

Valle kommune er barnehageeigar og driv barnehagane etter Lov om barnehagar, føresegner og retningsliner fastsett av Kunnskapsdepartementet, samt kommunale vedtak og planar. Kommunestyret eller den kommunestyret delegerer oppgåva til, fører tilsyn med barnehagane.

## § 4. Opptak

Heile Valle kommune er opptakskrins for dei kommunale barnehagane. Kommunedirektøren, eller den kommunedirektøren delegerer oppgåva til, er opptaksmyndigheit.

Dato for hovudopptak er 1. mars.

Søknad om opptak og endringar av opphaldstid, skal vere skriftleg og på elektronisk skjema på kommunen si heimeside.

Det er mogleg å søkje på tre ulike alternativ:

- tre faste dagar i veka
- fire faste dagar i veka
- fem dagar i veka

Det kan kjøpast ekstradagar dersom det er ledig kapasitet.

Det er mogleg å søkje om plass i barnehagen utanom hovudopptaket. Då tildelast plass når det er ledig plass.

Startdato kjem fram i vedtaket som vert fatta i samband med opptaket.

Opptaket gjeld til og med juli månad det året barnet byrjar på skulen. Ved behov er det høve til å søkje om ekstra dagar fram til skulestart i august.

Dersom barn får innvilga utsett skulestart, beheld barnet plassen i barnehagen utan ny søknad. Føresette må varsle barnehagen innan 1. mars om at det søkjast utsett skulestart.

Rett til plass føreset at barnet er busett i Valle kommune ved oppstart.

Barn som er busett utanfor Valle kommune kan, under føresetnad av at det ligg føre ein interkommunal avtale om dekke av utgifter til barnehageplass, tildelast plass for eit barnehageår av gangen etter at alle barn i Valle kommune er tildelt plass og det er ledig kapasitet.

## **§ 5. Opptakskriterier i barnehage**

Brukaren sine ønskje og behov skal tilleggjast stor vekt ved opptaket, jf.

Barnehagelova § 17. Dersom det ikkje er ledige plass i barnehagen dei søker i, kan kommunen tilby plass i den andre barnehagen.

Etter søknadsfristen tildelast det først plass til barn med rett til prioritet etter barnehagelova § 18.

Deretter tildelast plass til barn med lovfesta rett til barnehageplass etter Barnehagelova § 16 i følgjande rekkefølge:

- a) Barn frå familiar som har store belastningar på grunn av alvorleg og varig sjukdom eller funksjonshemming hos føresette eller sysken. Dokumenterast med erklæring frå lege eller spesialist
- b) Barn som har føresette som deltek i Valle kommune sitt introduksjonsprogram for flyktningar,
- c) Barn av einsleg forsørgjer i arbeid eller utdanning som bur aleine med barnet
- d) Barn som har sysken i den ønska kommunale barnehagen
- e) Øvrige barn etter alder. Dersom barn stiller likt, vert plass tildelt ved loddtrekking

Ved opptak skal det takast omsyn til ei best mogleg samansetting av barnegruppene.

## **§ 6. Samarbeidsorgan**

For å sikre samarbeidet med heimen til barna, skal kvar barnehage ha eit foreldreråd og eit samarbeidsutval.

Foreldrerådet består av foreldra til alle barna i barnehagen.

Foreldrerådet skal arbeidde for foreldra/føresette sine felles interesser og bidra til at samarbeidet mellom barnehagen og foreldregruppa skaper eit godt barnehagemiljø.

Foreldrerådet skal:

- a) Velje representantar til samarbeidsutvalet
- b) Bli førelagt og har rett til å uttale seg i saker som er viktige for foreldra sitt forhold til barnehagen.

Samarbeidsutvalet består av to foreldre og to tilsette i barnehagen, slik at kvar gruppe er likt representert. Barnehageeigar kan delta etter eige ønskje, men ikkje med fleire enn to representantar.

Samarbeidsutvalet skal vere eit rådgjevande, kontaktskapande og samordnande organ.

## **§ 7. Barnehagen si opningstid**

Begge barnehagane er opne kl. 07.00-16.00 alle dagar unntatt:

- a) Laur-, sun- og heilagdag, offentlege fridagar, julaftan og nyttårsaftan
- b) fem plandagar i året, eller det tal på plandagar som er lovfesta
- c) tre veker frå og med 2. måndagen i juli

Alle barn skal ha minst fire veker ferie og tre av dei skal vere samanhengande.

I periodar der ein har redusert drift, som til dømes i feriar, vil Hylestad og Valle barnehage samarbeide om drifta, og med SFO.

## **§ 8. Oppseiing og endring**

Plass i barnehagen kan seiast opp eller endrast av føresette med ein månad oppseiings- / endringstid rekna frå den 1. i påfølgjande månad. Oppseiing og endring skal vere skriftleg på elektronisk skjema på kommunen si heimeside.

Valle kommune kan som eigar seie opp plassen dersom ein kommunal barnehage avviklast. I eit slikt tilfelle skal foreldre informerast minst tre månader i forkant. Barnet vil få tilbod om plass i ny barnehage.

## **§ 9. Foreldrebetaling og moderasjonsordningar**

Sentrale ordningar for foreldrebetaling/moderasjon som er betre for brukaren enn det kommunen sine ordningar er, vil til ei kvar tid vere gjeldande.

Det vert gjeve 50% syskenmoderasjon for barnehageplassen frå og med barn nr. 2. Det er ikkje syskenmoderasjon på matpengane.

Betalingssatsar for opphald, mat, kjøp av ekstradagar og gebyr for henting etter at barnehagen er stengt, vert fastsett av kommunestyret kvart år. Opplysning om dette ligg på kommunen si heimeside og kan fås i barnehagane.

Den årlege foreldrebetalinga fordelast over 11 månader. Juli månad er betalingsfri. Ferie utanom juli, gjer ikkje fråtrekk i foreldrebetalinga.

Det vert gitt høvesvis fråtrekk i foreldrebetalinga:

- a) Dersom barnet har sjukefråvær på fire samanhengande veker eller meir. Sjukefråværet må være dokumentert ved legeattest, og
- b) frå andre dag ved streik, eller uforskyldt avbrot frå kommunen si side.

Foreldrebetalinga gjeld frå startdato gitt i vedtaket.

Føresette kan, ved tildeling av barnehageplass, søke om reduksjon i foreldrebetalinga eller gratis kjernetid. Vilkåra for rett til reduksjon i foreldrebetalinga følgjer av «Forskrift om foreldrebetaling i barnehagar.» Søknadsskjema ligg på kommunen si heimeside.

Vedtaket om redusert foreldrebetaling/gratis kjernetid gjeld for eitt barnehageår av gangen.

Dersom hushaldet, som har fått vedtak om redusert foreldrebetaling/gratis kjernetid, i løpet av barnehageåret får auka sine inntekter slik at det har betydning for storleiken på foreldrebetalinga, plikter dei å opplyse om dette.

Dersom hushaldet i løpet av barnehageåret har ein vesentleg og varig nedgang i inntekt samanlikna med skattemeldinga for siste år, kan foreldrebetalinga reduserast. Søkjar plikter å leggje frem dokumentasjon som syner at endringa er vesentleg og

varig. Endringa gjerast gjeldande frå den påfølgjande månaden etter innlevert dokumentasjon.

## **§ 10. Areal**

Netto areal for leik og opphald skal være minimum 4 m<sup>2</sup> for barn over 3 år og 5,3 m<sup>2</sup> for barn under 3 år

Det fysiske miljøet i barnehagane skal tilfredsstillere kravet om universell utforming.

## **§ 11. Ansvar og forsikring**

Kommunen har ansvaret for borna i den tida dei er i barnehagen og på turar organisert av barnehagen. Alle barn i barnehagane i Valle kommune er dekt av ei kollektiv ulykkesforsikring for opphald og reise direkte til og frå barnehagen.

Føresette har ansvar for transport av barna til og frå barnehagen.

Føresette har ansvar for egedelar som borna har med.

## **§ 12. Språk og kultur**

Nynorsk skal, så langt det let seg gjere, nyttast i songar og litteratur i barnehagen. Barnehagane skal leggje vekt på å gjere barna kjende med lokal søge og lokale tradisjonar innan mat, musikk og dans.

## **§ 13. Revidering**

Dei rettar og pliktar som er fastsett i eller i medhald av desse føresegner, oppdaterast slik at dei er i samsvar med, politiske vedtak og gjeldande lovverk.

## **§ 14. Klage**

Enkeltvedtak fatta i medhald av desse føresegner kan klagas på. Klagen sendast skriftleg til kommunen.

- a) Følgjande vedtak kan klagas på:
- b) avslag på søknad om barnehageplass ved hovudopptaket, jf. Forskrift om saksbehandlingsregler ved opptak i barnehage § 6
- c) avslag på søknad om plassering i gruppe a til og med d i § 5 tredje ledd,
- d) fastsetting av oppholdsbetaling i barnehage, og
- e) oppseiing av barnehageplass.

## **§ 15. Ikrafttreding**

Vedtektene trer i kraft 01.08. 2023. Frå same tid opphevast Føresegn om kommunale barnehagar i Valle kommune, vedtatt i kommunestyret 26.02.2020